

Нушала гъубзни хъумхертехе!!!

Хабургазир анцбукъуни дирар, илдира сецад замана бикаллира, сари хъумхертуги, сари халкъла уркбазир кавлуги, сари хъумартес асухебирути. Илдигъуна анцбукъуназибадди саби - Гитлерла, фашистунала Германияличиб Советский Союз чедибикни. Нушани секлал бурухеле имцалин улкала, шагъарла, шила уличибли бурехе. Ишарра мурталра Советский Союз чедибикниб диклехе. Амма ил гъайли иргъахъу - Советский Союзлизибти гъубзнала чедибдеш.

Марлира мурул адам, хъунул адам, жагъил, ухъна, халаси, виштлеси хлебикули, лебилра халаси Советский Союзла адамти дурабухъи, ватан батахъес бургули, чула гъамру, чус гехертала гъамру мяштхедарили, марти гъабзадеш чедаахъили, Гитлерла, фашисткий Германия тугубарили гъабяхъиб. Ил, дунъя лебалли кавлуси хабарлизиб, Дагъиста гъубзнала умира камти ахленри. Цалра дъв, цалра батаахъисси шагъар, цалра чедибдеш Дагъиста гъубзнала бутлакъяндеш агарли калунси ахленри. Дъвтала цаеси бархиличибад, Советский Союзла гъарил адамван, Дагъиста гъарил адамра, ватан батахъес дураухъни, сунечисси чебла саби или кайзурсири.

Цаести авал бархила бухнаб (1941 дусла, июнь базла 22 бархиличибад 26 бикайчи) Дагъиста военкоматла 3350 имцали, чула хъулличибли дъвтази дурабухъес дигути адамтала заявлениеби даклиб. Илдазибадди 677 хъунул адам сабри. Илдигъуна заявлениеби деклар-декларти адамтанициун ахленри дедлугути, цахнаб хъалибарглира дедлугутири. Ахъушала районла, Урхъучимахъила шилизивадси А. Абдулхиямидовли 12 сунела дурхлинира, дурхнаб дурхлинира дъвтази бархъиб. Ахтила шилизивадси Т.Пагъировли сунела 7 дурхли фронтличи бархъиб. Кумухизибадти Эфендиевтала хъалибарглизибад 5 адам ватан батахъес бургуллири, илдазивадди ца дивизияла политотделла халалгъуна сайри. Ахтила районла, Къахъала шила, Исмаиловтала хъалибар-

глизибад 6 узи, Меглебцала шилизибад, Хияжиевтала хъалибарглизибад 4 узи фронтличи арбьякун. Гунибла районла Шейхмерзоевтала хъалибарглизибад 4 адам дъвтазиб беккиб. Абдулмеджидовтала хъалибарглизибад 5 узилизибад 4 беккиб, Ахвахский районла, Арчолла шила, Мухлямадовтала хъалибарглизибад 7 узи фронтличи арбьякун, илдазбадди 5 беккиб. Дагъистайзиб цалра хъалибарг кахелун илдазивадди чилра дъвтази архлявкки.

Лерил дъвти лералли, Дагъистайзибадди, ватан батахъес бургъес дигутала заявлениеби кахледерхур. 42 дусмала къянири бурхназиб, Гитлерла фашистуни Дагъистайчи дебали гъамбухъилели, 15 азир адам Красная Армияла къуйрази каберхур. 1943 дуслизиб, Дагъистайзибадди 17 азир адам фронтлизи арбьякун. Дагъистайзибадди дурабухъунти 23308 адاملизибад 12533 адам фронтлизи арбьякун. Илдала дурабадра, дургъази дурабухъес

чебси ахлентала (55 дусла чедибти), халкъла ополчениебала отряднази, Дагъистайзибадди 12 азир адам каберхур.

1942 дуслизиб, чула хъулличибли дургъази дурабухъунти дубурлантала, К.Караевла бекдешличил, кавалерийский эскандор арбьякун. Илдани Моздоклизибад - Берлинлизи хабар дерхурси гъуни ахъиб. Илхели, чула хъулличил дъвтази дурабухъунти 800 рурси, 744-йси зенитно-артелический полклизи каберхур. Дагъистайзибадди фронтлизи 180 азирличи гъамли гъубзни дурабухъун, илдазибадди 90 азирличи гъамли кабушиб.

Лебил дунъяличи машгурдиуб, Дагъиста гъубзни Ахлмат - Хан Султанлара, Валентин Эмировлара уми. Лебил дунъяличи машгурвиуб Хияжиев Мухлямад, суненира 1941 дуслизиб, ши удибси лодкаличиб цахъси дъви барибси. 1942 дуслизири илини къирдарибти, ши удирти лодкабала лугли 10 абикиб.


Номерлизир:



Чузивадди Аллагъ урузкули Сай



Перкъаси сафарличи хладурдеш



«Къурайшитунала гъилимми, лебил дунъя гъилмуни бирцахъу»

Ражаб баз — Аллагъла * баз саби

Ахлerti узби ва рузби, дурхъати хиябузри – Ражаб, Шягбан ва Рамазан дехдирхъниличил бархбасахъи, хлуша мубаракирулра! Аллагълис * деза биаб, Жумадул-ахир базлис гелабад нушаб Ражаб баз савгъатбарнилис. Дурхъати хиябузразибад цаибил саби Ражаб баз (Ражаб, Шягбан ва Рамазан). Илди бузразиб Аллагъли * гъахти баркъуддумас ва гъибадатлис лугуси узра, чуйнара имцабарили лугуси саби ва урки-уркилабад пашман биубтала бунагъуначивад чевурхуси Сай. Иличибли бусурмантас Къиямала бархли чула баркъуддумала умцантуну гъахдешунала шайчи декдихъес, дитлакхъес имкан лябкъули саби. Ихцад халаси,

Аллагъли * нушаб лугуси уркеци пайдалахлебарни, хисаблизи кахлесни, бусурман адاملечи дебали балхлебикибси ва убяхси гъакъуагардеш саби. Идбагла ** хядислизибра бурули саби: «Эгер беккалис гъалаб ряхъадеш, талихла ахир (Имманичилси беккла) ва шайтанлизибад берцуди дигутани – илди бузрала хурмат биреная, дубдурцули ва бунагъуначирад пашмандирули». Ражаб базла дурхъадеш саби - Ражаб базлизиб барибси гъахсилес керира, барибси вайсилес гъазабра чуйнали имцадириси саби. Ражаб баз дургъи-дъвти къадагъадарибси баз саби. Ил базла у бетаурси саби «зулмурти дирнилизибад чарбиес – сабур бирес» ибти дугъазибад. Ишди авалра бузри

къадагъадарибти бузри сари: Ражаб, Зуль-къагъида, Зуль-хиджа, Мухляррам, сенахленну илди бузрар Аллагъли * дургъи, ва илдигунти цархилти секлал къадагъадарибти сари. «Ражаб» ибси девлизир хиябал хярп сари (гъарабла алфавитлизир абхъибти хурпри агарти сари): «р» - «ряхъмат» ибси иргъахъуси (Аллагъла уркеци); «дж» – джурмул-гъабди» (Аллагъла лугърала бунагъуни), «б» - «бирулагъи тагъала» (Чевяхъси Аллагъла гъахдеш), Аллагъ * виклули сай (мягъна): «Я Дила лугъри, Нуни хлушала бунагъуни Дила Уркецила ва Дила Гъахдешла урга дебадаресли барира». Дахъал гъахдешуни дарес гъахъси баз саби Ражаб баз.

Сагид Афанди кавшибти буциб!!!

Дагъистайзивцун ахи лебил дунъяличив машгурси, динла къулукъчи, Сагид Афанди аль-Чиркяви кавшибсири 2012 дусли, август базла 28 бархи, Буйнакъскла районла Чиркяйла шилизив. Аминат Сапрыкина биклуси террористка, зияратли раклибсила дарили, устазла хъули рухнарухъи бамба баргаибсири. Ил иман агарси адамли, дурхъаси устазлацун ахи, гурра 5 гъатли, зияратли баклибтала гъамру ардухиб.

Ил анцбукъла хекълизиб авал адам гъайибла барибтири, сабира гимринский бандгрупализи кабурхути: Мухаммадали Амирханов, Ахмад Исрапилов, Мухаммад Хияжиев, Шихмирза Лабазанов.

Следствиени кабизахъни хиясibli, Шихмирза Лабазановлира, Мухаммад Хияжиевлира, Мухаммадали Амир-

хановлира бомба тлааббарибтири, илдани Аминат Сапрыкина дигъанрикахъибсири, ва илдани ил раргрердибси мерличи араахъибсири. Сагид Афанди варгаънила дурабад илдани ОАО «Сулакский гидроэнергетический каскадла» инженер Владимир Редькин вигли, ил базра байхъалара дигъанварили вихибтири. Илкяйда Московский областьла предпринимательра агарварили, илди чарбарнилис 500 миллион арцла тлаабдарибтири. Амма ясирлизи буцибтас, зулкукартазибад бебшес бикиб.

Ахмад Исрапилов бандитизмлизи вархикнилисра, дигъанбарибтас арц тлаабдарнилисра гъайибла вариб.

Судли илдала гъайиб кабизахъур. Лабазановра, Хияжиевра, Амирхановра чула гъамрулис туснахъла вариб. Исрапиловлис 12 дус дариб.

ДОБАВИТЬ

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Главный редактор Азиз МИЧИГИШЕВ</p> <p>Редактор Асхаб ДЖАРБАЕВ</p> <p>Канонический редактор Мухаммад ДАВУДОВ</p> <p>Корректор Асхаб ДЖАРБАЕВ</p> <p>Дизайн, вёрстка Мухаммад МУСАЕВ Иса ОМАРОВ</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать 01 апреля 2015 г. в 18:00</p> <p>Тираж 2 700 экз.</p>	<p>Адрес редакции 367015, РД, г. Махачкала, ул. Аскерханова 13а.</p> <p>Телефоны: Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.</p> <p>E-mail: assalamweb@gmail.com; www.assalam.ru</p>
---	--	---	---	--

Нушала биштлати нушани руркъехле!!!

Нушала заманализир дахъал компютерла, телефонгала, планшетунала хузри дакъудиубли сари. Дилара илдачи къаршидеш агара. Илдазибра силра гягъси хебиаллира бахъ вайсира леб хейкъусра. Амма сенилра нушаб илдазиб халал замана буркъес асухебирар. Ил секлал нушала биштлатачира тинтбибирар ахерти динла узби. Виштласилис гягънидеш лебси ахен 24 сягъят телефонличил, яра планшетличил кайрес. Цацахтели ишгъуна анцбукъра бирар, 7-8 дус виубси виштласи, сунела ушкулализи архякъуси бархназив 10-11 дикайчи усули, гур айзурхели я савила дехлбала хедире, я дяхл, някъби хейцу, рурси риалли бекл хъарсхебиру, ит заманализивал касили телефон биаб, планшет биаб итичил кайрули вирар. Яра гъаман чебаэс вирар, виштласи 3-4 сягъят телефойчивяхл гяшкягъубли кайрули вирар. Их асубириси секлал ахен. Ихала хекъелизобра бурес дигуллира, ца машгъурси, къакъла тухтурли бурибси секлал. Ил виклар, къакъла члалала дисканас операция гъалабла замана 40 дусмачиб чедибтас сарри дирути, ишбархли биалли, Аллагъла * уличибли хъа барес вирусра, илдигъуна операцияби биштлатасра дируллира. Илбагъандан нуни тиладибируллира ахерти узби, хушала биштлатала хекъелизир дебали мяхкамли дуэнная, биштлатала хекъелизир барибси хатла бархъбарес гъамадси ахен. Набра хушаб дарсли биахъес, нуни бируси секлал бурес дигуллира. Нуни дила биштлатазирад лерил телефонти, планшетуни сайсусира. Нуни илдижумягъла духлар хамис бархиличирад, суббо-

таличи бикайчи дедлугусира. Илди бархназибра хъатлила дехлба замана баибхели нуни илди чардарили сайсусира. Чула выходнойтас илди имцалин селизир биалра бархили бирар, гъамтачи башар, хъули кабиили хебуар. Пурти бархназиб дурсрачиб бирар, дурсрачибад баклибхели, дурсри делчесра гягънили, телефонтачи ахъес замана хебирар. Рамазан базлизибра нуни илди сайсули вирусра, ва Къуръан гъачам белчунсилис ихгъуна секлал, кийна белчунсилис ишгъуна, Къуръайзибад секлал уркличиб

багъурсилис ишгъуна пешкешбирис или ирусира. Ихичибли биштлатала къайгъи имцабирар. Гъаланачи чумал бархли илди гайцбиклар, бихагу телефон, планшет, лебталалра лерну или амма гур бурсикабира. Адам гъарил секлайчи бурсивириси сай. Мурталра ихтазибти биштлати адматчил судурхебиклар, илдала деклардекларти пикруми дирар, мурталра къакъавиклули вирар. Илра вайти сайтаначи ухнаухъес асубирар. Ца динла узини буриб, сунела рурси 3 дус риубси сари. Рурси разирарес илис план-

шет асилيري, илара гъайбикуси жита баклахъилири. Ил житани вегли бурибси секлал, чяртла тламаличил чарбарили бурули саби, илгъуна хляз бетатурли саб. Ца замана ил хъули ваклибхели рурси илар хлязтариркъули чераили сари, ил рурсилизи виклули сай житализи себиалра бура или. Рурсини житализи бурибилизибад дила бекличирти гъез таштизур виклар. Ит адам дила юлдаш сай, мижитлав имам сай, Къуръан уркличиб бяркъурси адам сай, илала хъулив илди гъай дузахъуси чилра левси ахен, амма интернетлизирад 3 дус риубси рурсини ихцад жяргати гъай гьердасилири. Наб хушази аргъахъес дигуси секлал саби, ихти телефонгала гъалаб нушала биштлатазии бяркъ чили бедлугулли нушани балути ахлра, биштлатира нушани бяркъес чебла саб, илдасра жаваб Аллагъла * гъалаб нушани бедлугутира. Ну дебали чумавиклули ахлра, таманли сегъуналра телефон, планшет малугадея виклули ахлра, илди таманли хелугес хейрар дунъя илда бицибхели, амма дазурби кади захъирая. Хушала биштлати бикибтази бяркъахъес мабалтадая, хушани бяркъая. Пягъни агарли илдала замана мабалтадая, жузи дедлугенная, Къуръайчи руркъенная, секлал белчнилис, секлал бяркънилис, яра сегъуна биалра физический упражнение барнилис кабизахъирая себиалра. Биштлатала къас баклахъес, гъаланачи бируси секлал нушани бедлугуси багъандан биру амма гур силра агарлира ит секлал бирес чула хъул лябкъан. Ассаламу гялайкум ва ряхлматуллагъи ва баракатугъу.

Дунъя гягъбарес

Бусурман узилис 70 гурзу даргес хляжатси саб ибси леб. 70 гурзу ахтардидарилли, ихтазибра итичи лайкъси баргес имкан хебаклалли, итхелира вегл гягъибла вирес хляжатбиркур, динла узилис гурзу баргес хейгъни багъандан. Нушала заманализиб биалли, илкъяйда бусурмантачи изуси варгесра гъамадли ахен. Чинав виаллира, чиди сяхлбатлици цалабикаллира, адамти цали цала гягъибти даргес бузули, илди чула ургар дурули, къайгъилизир бирар. Нуша сенилра хукуматлици разили ахенра, илдани сегъуналра хлянчи бирули ахен или, нуша къадначи, имамтачи разили ахенра, ихтани ит-иш бирули ахен или. Нуша узи-уршилици, унрубачи, ши шантачи разили ахенра. Гъариллизиб нушани гягъиб бургуллира. Амма нуша разихейкибси секлал бархъбарес, нушара гъачамалра пикрихедулхъехле или гъанбиркур. Рахлира илгъуна пикри аклаллира, нушаб гъанбиркур

нуни се барес вирусра или. Марлира кайгъли, гурти лебилра гягъибла бирес дебали гъамадси саби. Ишти лерил гъай дурес хъул аклахъуб ца хабарли.

Ибрагъим Идбаг *** капуртани цали вигес балбизурли, вигъи, кайхъили духъби, ца бикъурхели, ца имигъарли сунела къаклар ил ца бишахъес шин дихуллири. Ил анцбукъ чебаибти мицлирагли, тамашабиубли илизи хъарбаиб: «Хед гъанбиркулив хуни илкъяйдаши бихули ихцад халаси ца билшахъис или?» Имигъарли илдас жаваб чарбатур: «Ахен, нуни их ца бишахъес бирус или гъанбиркули ахен, иличи къаршили, нуни их ца бишахъес хебирнира баласра, амма Къиямала бархли Аллагъла * хъарбаибхели идбаг вигес ца бикъурхели хуни себарив или, нуни ирисра илди ца дишахъес, ши бихули буира или».

Марлира их анцбукъ нушаб дарс саби. Ахерти динла узбира, рузбира, гъарилли сунела баркъудилис лайкъси бургу. Нушанира гурхлала гягъибти датурли, нушала дархъдарес къайгъи бирехле. Дунъяра гягъибяхъес гъарилли хлянчи бирехле. Нушаб жагати гъундури дигуллира, дурадулхъехле, барес дирусигъуна хлянчи бирехле. Нушаб тукентазир держ кадирхъули дигули ахенра, нушала гъамтази илди исхейсахъес къайгъи бирехле, илди исхейсали, илдазибад хайри хебашалли чилиналра дирцути ахен. Нушаб чинабалра умудеш дигуллира, гъарил дурадухъи, нушала хъулрала гъалаб умудешра, жагадешра бирехле, нушаб хъунри клапли дигуллира, нушала хъунри, рурсби, рузби клапбирехле. Аллагълира * нуша гягъси гъунчир дархъхедалтара, ахирра силра барсбарес хедиахлелли, Къиямала бархли Аллагъла * гъалаб буресилра бирар.

Бяхляндов Камиль

Иерусалим батаахъибси

Ца заманализив дудешли сунела дурхля декларти биштлатачил варх хлязтавикъули чеваиб. Дудешра халаси къаркъалара сайра, ахъси къаралдила вегл сайри. Илини сунела дурхля заквивахл ахъуцили, илизи виклар: «Нуни хлела нешра шери кили, хура варахъибси, ху ишав биштлатачил варх хлязтавикъахъес ахленри. Нуни ху хлела нешлизи варахъибсири, хлеси Иерусалим батаахъес». Пур дудешли някъби датаиб, ва дурхля ит ахъдешличивад ванзаналичи кайкиб. Дудешли дурхляла дяхлар изагъни чебаиб, ва

илизи хъарбаиб: «Хед изауру?» Дурхля виклар изаур дудш или. Дудешли гурра хъарбаиб: «Изаули биалли сен висихейгъиригъ гъти?» Илхели дурхля виклар: «Иерусалим батаахъуси адамлис висес лайкъси ахен». Ит дурхляра сайри, Иерусалим батаахъибси Салахлуддин аль-Аюби.

Нушала заманализибра гягъинити саб Салахлуддингъунабти, нушала заманализибра, нушала дин дурхъабарес илдигъуна гъубзни гягъинити саб. Нушала дурхлира, илдигъуна гъубзнала гямуруличиб бяркъес къайгъибирехле.

Геркъаси сафарличи хиядурдеш

Нушани гьарти номертазир баяндарибти, вебкйбсила хлекълизир черли детаурти секлал сари. Нушани гьалабра буриливан илди авал лерти сари: вебкйбси вирцини, ил кафайзи уцни, джаназала дехлбала дарни, хйривихъни. Илддала дурадра, дарали дурхъали детарути баркъудлумира гьандушира. Илдигъунтазибадди саби, вебкйбси хйривихъили, илис талкъин белчи гьергъи, вебкйбсила гьамтази децл дураберкни (бялгя ахъни). Нушала Идбаг ** виклар: «Бусурманти ца къаркъалагъуна саби, къаркъа ца бирклан изали, лебил къаркъала изахъу». Бусурман адамра, сунела динла узиличи бакйбси анцкъилис маравиъни хйжатбиркур.

Пур хйбла алав лебалли биаб, хъули чарбухъунхели биаб, вебкйбсиле имци-имциали балга-дугля биру. Хиядисуназиб бурули саб, вебкйбти мициртала балгализиб хйжатли бирар, мицирти беркайзиб хйжатли биъниличибра имциали. Цаести хйбалра бархи ил хйжатдеш имциали бирар, сенахенну вебкйбси, илди хйбалра бархи, Мункар - Накир малаикунала суалтазир вирар.

Вебкйбсила гьамтазир, дурхйа, узи, дудеш ва илдигъунтазир Къуръай учлес балуси левли виалли, ил учни дебели гйахси саб, сенахенну, Къуръан Аллагъла * калам саб, ил белчнилесра дебели халаси кери вягъадирули саби. Адамли Къуръан белчи, илала кери вебкйбсиле хйял баталли, сунес бикибсигъуна

кери вебкйбсилесра биркуси саб. Амма ишаб багъес хйжатбиркур, хиядисуназибра буруливан, Къуръай бучлуги бахъал саби, амма чули хатлурби дирни багъандан, адаб батни багъандан Къуръан чус лягъну биклуси саб. Ил багъандан, Къуръан бучлусиле кери хебиалли, итини белчлунсила кери вебкйбсилесра аркъуси ахен. Вебкйбсила гьамтазир Къуръай учлес балуси агара виалли, Къуръан багъа бедили белчлахъесра асубирар, амма ил секлал чебси ахен, ил баресра ахъари агарсини чеблумази викили, илди даресра хйжатдеш лебси ахен.

Хиядисуназиб буруливан, нушала динлизир вебкйбсиле хйбал бархи дирути сар. Цаести хйбалра бархилизиб, ахъри лебливан, вебкйбсиле пайдала биеси секлал биру. Мавлид бучлахъу, зикру бирахъу, садакъа биру, илдиралерил вебкйбсила уличирли диру, ва илддала кери вебкйбсиле хйялбалта. Сенахенну илди хйбалра бархи, вебкйбсиле дебели къиянти бархни сари. Амма ишабра, вебкйбсила калунси мас хебиалли, я илала варисунала илди дарес харж хебиалли, илди черти ахен. Нушала заманализиб гьадатли бетарули саб абзбикни, адам вебкйбхелира илис мавлид,

зикру бучлахъулели, мекъличирван устулти лушули дирара. Илди дарес гьарилла ахъри лебси ахен, ахъри агарсира сунечи гйагъиб хебарахъес, чеблумази викили илди дирули сари. Ил асудебируси секлал саб, Аллагъ * Къуръайзир виклули Сай (мягъна): «Динлизир зулму лебси ахен». Нушала абзли, харж агарти узби зулмулизи биркахъули саб, илра Аллагъла * гъайличи кършили бетарули саби. Вирусини чайра керттили, хейрусини илдиралерил делчлес дурхъали детаурти секлал делчлахъес ва дарахъес вирар. Хйбал бархи дикили гьергъи, гьамтала ахъри, зама-

на лебливан чула вебкйбсила хйбличи зияратли башар, илис пайдала биеси секлал бучла. Илдиралерил имци-имциали дирнилизир халаси пайда лебси саби.

Багъес хйжатси

Нушала заманализиб гинтибиубси «Балагъ» саби виклесра вирар, авцила дирни, шуцила дирни, дус бирни, гурра декларти бархни декларадирни. Ил халаси хатла саб. Сен веглис дигуси, вегла гьамси, вебкйбси адам авциали бархи савгъа агарли валтусив, шуциали бархи валтусив, дус валтусив? Сен илис гьар бархи камси биалра секлал хебурхъусив? Мицирси беркесиличи хйжатли виъниличивра, вебкйбси мицирсила балгаличи хйжатли виалли, сен ихцад ит язихъвирусив хериклахъули?

Кйэсигъуна шали, нушала Идбагли ** бархи булхъуси заманара (савлила дехлбайс гьергъи), бархи кайгуси заманара (дакъала дехлбайс гьергъи) чйнкъти суннатла дехлбала диррахъес хйрамбарили саби, бусурманти, берхилис лагъдеш дирантаци мешухебикахъес багъандан. Ихти лерил луглиби, авцила, шуцила, дула диклуги, ихти капуртачирад, жугътуначирад, християнантира дакйбти сари, ихтаци мешудикнира нуша хйрамси саб, Идбагга ** виклар: «Адам чиди къавмичи мешувикалира идачил варх вирар». Аллагъли * нуша дерцахъаба капуртачи мешудикнилизирад, илдачил дарх детаънилизирадра!!! Амин.

Ражаб баз - Аллагъла * баз саби

1 « Аллагълира * нушани чебиуливан, сахаватли Сунела урклеци гьарилличи чебетгахъуси, дурхъаси баз саби. Ил багъандан нушаб чебиркур Аллагълис * тйагъат бирнила къайдурти, бусурман адамла Аллагъла * гьаларти чеблумази гйахил дяркъес, бусурман адамличи лайикли гйамру дерклес. Ражаб баз дубурцини гйахси саби. Лебил баз дубуцес хейрусини базла цаибил, вецину шураибил ва гьергъити бурхназивалра дубуцури дудес къайгъи баралли, илис дебели халаси ужра биур. Хиядислизир бурули саби: «Хъуммартидая, Ражаб – Аллагъла баз саби, Ражаб базлизир чили ца бархи дуббуцалра, дурхъадешла вегл Аллагъ * иличив разили вирар. Ражаб базла цаибил хамис бархира дубуцини дурхъаси саби. Цаибил жумягъ дугира гйабатлизир беркни дебели дурхъаси саби. Ил дугилис Лайлатул-Рагъаиб или биклар. Ражаб базла 27-ибил дуги тамашала гйаламатла анцбукъ кабикибсири – нушала Идбаг ** Аллагъли * Пяршличи ахъуцибсири. Ражаб базла 27-эсил бархира дубуцини дебели дурхъаси саби. Хиядислизир бурули саби: «Аргъая, Ражаб баз Аллагъла баз саби. Ил базла цаибил дуги гйабатлизир

беркйбсила, сунела чарх вебкйбхелира уркли хебубклар, Аллагъли * илала беклизи гйахидешуни керту ва сай нешли варкъибхеливан бунагъуназивад умувирар. Илхели ил адам, чучи Жагъаннаб херти 70 азир бунагъкар адамлис шафагъатли виэс вирар».

Рагъаибла дуги

Ражаб базла цаибил жумягъ дуги Мухаммад Идбагга ** бегити хъайчи кабибтири, ил дугилис Рагъаибла дуги или биклар. «Рагъаиб» ибси девла мягъна гйараб мезличибад шурбаталли – Аллагъ чевверхни, Сунела лугърачи Аллагъли ** халаси урклеци бирни, балга-дугля къабулдирни ибси саби. Ил дугилизир дигъанти дахъал гйахидешуни лерти сари. Ил дуги гйабатлизир беркялли – дебели дурхъали ва пайдалачебли бирар. Рагъаибла дуги Аллагълизи * вегли дарибти бунагъуначивад чевверхахъес тиладивиклули, калунти дехлбулга черихъули, садакъа бирули, балга-дуглялизир беркни дурхъаси саби. Рагъаибла дуги урклила мурад бетахъес дирути дехлбалара лерти сари. Илди маркячлила ва хъатила дехлбала ургабси замана дирути сари.

Илди дехлбала 12 ракагъатла сари. Кйкел ракагъатунала дирули, урегдехл дехлбала диру. Лерилра дехлбултазир, гьарил алхйамлис гьергъи хййна-хййна «аль-Къадр» (97-эсил сура) ва вецину кйрайна къулгъура дучла. Вецину кйра ракагъатла дехлбала дарили тамандиубхели, 70-на иш балга бучла: «Аллагъумма салли гйала сайидина Мухаммадин – набийийил умийийи ва гйала алигъи». Пур суждаличи кайкили 70-йна «Суббухлун, къуддусун, рабуль малаикати ва ррухли» иру. Пур суждаличивад ахъубли, къукъубачи кайкили 70-йна «Раббигъфир вархйам ва тажаваз гйамма тагъяла иннака анталь – агъазул

акрам». Пур суждаличи кайкили, гьалав суждаличи кайкибхелигъуна балга 70-на тикрарбиру. Пур кйэсил суждалис гьергъи ахъубли, сунела мурад се сабил тиладибурули, Аллагълизи * балга биру. Иншааллагъ, ил балга Аллагъли * къабулбиру.

Нушала гъубзни хъумхлертехле!!!

1 « Александр Матросовла гъунар Ругуджала шилизивадси Саду Мусаевлира, нагъайтазивадси Халмурза Кумуковлира бариб. Николай Гостеллола гъунар, Львовла удиб, Мяхлячкьалализивадси Александр Браилкони бариб. Москвала удир кадикибти дьвтазиб Н.Гастеллола гъунар Мяхлячкьалализивадси Алик Мардахаевли бариб, илини цлали игуси сунела тянка, фашистунала частъла бухйнаиб. Лейтенант Мухлямад-Загъид Баймурзаевла гъубзнани панфиловцунала гъунар тикрар бариб. М.З.Баймурзаевлира, илала Гяскарла 11 адамлира цехйнаб полкис кършидеш дарили, 70 имцлали фашист кърбариб. Баймурзаевла лебил адамгира, сайра бебкиб амма фашистунани дазурби ахъес хлебиуб. Минай-Тойга бикуси шила Ханпаша Нурадилов снайпертала чемпион ветаур. Илини кабушибтала лугли 920 абикиб, ясир буцибти 12 лебри, душмантала 7 пулеметра дуциб. Курахский районла Кочхюрла шила, Шайдабек Егибековли, сунела глямруличи пикрихлейкули, гъачамли 200 мина тлашаиб. Майор Мухлямад Салам Умахановла группани, Берлинлизибси Венсензес бикуси мерличиб беглара гъаб хлунтлена байрахъ ахъбуциб, гьргъила бархли, 1945 дула, апрель базла 25 бархли, Берлинлизибси

Панковала районлизибра ахъбуциб. 3-эси армияла артбригада гъабза, Цудахаривадси Наби Рабадановли деглара гъар минаметлизирад Берлинлиси игъуб. Ил гъаланачи Брестла идув дявилизи викибсири, гур Москвализивад, дявила гъундурачивадли Берлинлизи авайб. Гъубзнала группа, сунезибра Киевизивадси Д. Ковалев, минчибазивадси Л. Горячев, Хасайлавадси Абдулхляким Исмаиловла лебти, рейстахла зданияла киси дярхличи абацли, зданияла хъалчи 8-эси армияла, 83 полкла байрахъ тлашбатуртири. Берлинла шайчир дарибти гъунартас Умар Агаевлиси 3-эси степенъла, Суворовла орден бедибсири. Турра 45 дула, январь базла 15 бархли илала армияни фашистунала батальон кърбарили 500 гитлеровец ясир буцибтири. Согратль шилизивадси, рядовой артиллерист Абдулсупьян Абасовлиси, дебали ахъсилези халбируси офицерский орден - орден Богдан Хмельницкийла бедибсири. Бургънила дурабад Дагъиста адмтани ярагълисира, харжлисира, турра хляжтисилесира кумек бири. Фронтла гъелабра илдани СССР-ла дазурби члумадарес, луцри дарес, окопуни диркес, белкни хлебалули, милиги ахъни хлебалули, бамсри ахъни хлебалули бузули калун. Чедидешла фондлизи, Дагъ-

истайзирадли миллионти арцла кадихъиб. Масла шайзибад ахъри лебтани 250 азирти, 200 азирти, 170 азирти арцанала фондлизи дурхъули дуиб. Дявтала фронтаначиб бургъули, Дагъиста халкьли гъарлимарти гъабзадеш чедаахъиб. Мицирли калунти, азирти солдатунас ордентира, медальтира дедиб. Чула ватлан, чула улка, чула хъалибарг батахъес жан дедибти, посмертно, СССР-ла геройти бариб. Дагъиста азирти гъабзнани чула хили нушала пачаликъла халкъла узидеш члумадариб. Нушабра, нушала биштлагасра

илдала хабурти хъумартес асухлебирар, илдала уми дагъес хляжтбиркур. Ишбархли нушани глямрула, гъарзадешла, эркиндешла кымат, кадри балули ахленри. Дигуси букуллира, дигуси челгъуллира, жагати хълразир хлерируллира. Илди лерил нушаб дихъес, нушала халабегитани глямру дедни хъумартес асухлебирар. Нуша бархилиси хляйна къацли дукес хлебикалли нушачиб халаси балагъ саби, илхели гъанбиркахъехле, ишбархли нушаб ихцад гъарзаси ризкъ бихъес сецад гаша чедаибал

нушала халабегитани. Гъар дурабухъунси палтар чегъес дигухлелли гъанбиркахъехле, бугъяла ялизиб къркъала кlapбарес агарли бубклути нушала халабегитани. Хлерилизехле ишбархила дунъяличи, нуша ишкъяйда гъарзали хлерирахъес сецад хли кадеркибал, сецад глямру дедибал нушала халабегитани. Нушани биалли илдас се чарбатес дирехле?!?! Балга. Гъар дехлбайс гьргъи илдас балга бирехле, Аллагъли * саби Алжанала лерил нигматуначи баахъаб! Амин. Нушани саби хъумхлертехле!!!

ПОМЕНЯТЬ



Аллагъли хлушала бунагъуни дигъандараб!

Гилмула дурсри жявли тамандиубли хъули чарухъунси муруй, сунела хьунул урхъла муруйчил рарх, ухъалар рудиб. Ил сурат чебаибхъели, мурул къагъвиубли каркули калун. Амма Аллагъли * сунес бедибси жагаси сабур багъандан, ил сунела нафсличив чедивикиб. Иллини сабур барес виуб, ва хьунуичил варх ухъалав уцибси муруйчи виклар: «Палтар чегъи. Чегъурли палтарра арукъен ишад. Аллагъли * хъела бунагъуни дигъандараб». Ит мурул адамли сунечибси гъийиб чебарукес, палтар челгъухъели гъайра дурабуркуллири: «Имцалиниси гъийиб набчиб ахъен, хъела хьунуичиб саб, сунени ну ватасри, нуни сари ахтардириуси ахъенри». Муруй илизи иб: «Наб илди дагъес хъул агара. Чегъурли палтар арукъян ишад». Пур илкъийдали бугъарли хьунуизира иб: «Чегъи палтар. Хъед хъабал тлалакъ (магъар кабурушуту гъай). Рашен хура. Аллагъли * хъела бунагъуни дигъандараб». Муруй хьунул, сунела машинала каратурли, 300 километра глеркъаси, сунела дудешла хъули аррукиб. Лебил гъунчир хьунул рисули, муруйчи риклуллири: «Ну хъед шерил ляркъухъелили нуни ба-

лудри хъед ну лайкъси ахъни, гъанна гъатира багъурра ну хъела мякълар урхъиси сарни, ну хъед секъийдалра лайкъли ахъни». Марлира ихгъуна сабур Аллагъли * гъариллис бедибси ахъен. Чула абиъна абаибхъели мурул хьунуичи виклар: «Хуни нуша декларадикнила лебси сабаб мабурид. Бура наб ху къабулхъерикни багъандан декларадикитира или». Их анцбуку мурт гъанбикаллира мурул гъясивируллири, ва децигуллири, амма сенилра ил сунела нафслис мутигхъевакиб. Ардякъун 17 дус. Дец сенилра аркъули ахъенри. Илгъуна анцбуку хъумартесра гъамадси ахъен. Ит муруй гъяхъиси гилмура белчун, сайра ца шагъарлизив къади варили каватур. Пурра замана дикиб. Илич гъар бархъи хукуму барахъес, адамтала ургар кадирукти, деклардекарти анцбукуни дихуллири. Ца заманализиб иличи, зина барибталара, адам кавшилар хабар баклиб. Сунела хьунул гурхъла муруйчил рарх ухъалар руцили, ит мурул адам кавширици. Бикърумира киб, лерил детауртира дурили, кадизахъур. Хукумура сабри ит мурул адам кавши. Кавшес лайкъварисси къадиличи киб.

Ит уилири, дахъал дусми гъалаб, сунела хьунуичил барх зина барибси адам. Къадини ит чеваибхъелил вагъур. Къадини илизи иб: «Хъела хукуму ху кавши саби». Ит адам виклар: «Нуни их анцбуку чебаибхъели сабур барес хъейубра, дила гъясидеш цакъдиубли, нуни ит кавшира». Иллинира къадизи, Аллагъ * сунечивад чевверхахъес, сунес балга барахъес тилади бариб. Къади виклар: «Нуни

бирисра хъед балга. Аллагълизи * тиладивиклус хъечивад чевверхахъес. Аллагъли * хъела бунагъуни дигъандараб». Илди гъайла бакъибхъели, ит адам тамашавиубли виклар: «Нуни илди гъай чинар дакъасра, гъаларра дакъира». Илхъели къадини 17 дус гъалаб кабикибси анцбукуличила гъанбикахъиб. Гъанна пикридулхъехъе. Аллагъли * итис сунени барибси чарбатурли увяхъвариб.

Амма сунес Аллагъли * сабур хъебедили, сай адам кавшила бунагълизира викиб. Сунела мурулра ватурлри, урхъла муруйчил рарх ухъала карихъунсила хъекълизир гъайдикхъелли, итра гъатли чилилра шерил архъерукили, сарицун калун. Сунела гъамру рухънараачи цайли дерклиб, ил хъийчир ребктра ребклиб. Къади сунела сагаси хъуна хъекълизив виклуллири: «Дила гъамру къийцвикласлира, ихгъуна хъерургаси! Аллагъли * наб хьунул гиб, дила уркли мурталра разибириси!!!» Аллагъли * сунела мякъларад вайси аррукили, гъяхъиси редиб, вайси хьунуичил дунгъаличир лералил гъязаб гъеббаахъили, цайли калахъун. Пурхъла хьунуичил зина барибсилесра, сунени барибсигъуна чарбатур. Аллагъ * Къуръайзив виклар (мягъна): «Чули барибси чусра чарбалта. Марлира Аллагъла хукуму жявли лябкъян». Нушани гъамрулизиб се барахъеллира, нушабра Аллагъли * ит саби чарбалтуси. Нушала хъунри урхълизибад берцахъес хъедирехъе, гурхъла хъунри нушазибад хъеберцахъилли. Аллагълизибад * гъяхъидешличи хъулдиклес хъедирехъе, нушазибадчи салра гъяхъидеш агарли.

Дуббуцарлизиб мяхкамдеш бара

1) Нигет – ил урклилаб бириси саби. Амма мухлинира буралли, дурхъали (суннатли) бирар. Нигет бириси тяхъар: «Нуни нигет бирулира ну жягъал дуббуцес, иш дуслизиб баклибси дурхъаси Рамазан (Ражаб, Шягъбан ва цархъил) базла дуббуцар буцес, набчиб чебси фарз барес (суннатла дуббуцар буцес, набчиб чебси дуббуцар чебахъес), Аллагъли * Аллагъу акбар». Нигетлизиб бархъи, баз, дус ва дуббуцар чебси сабил, суннатла сабил гъандушес черли дирар. Нигетра гъар дуги бирес чебси саби, масала, нуша жягъал дубдурцули диахъелли, ишбархъила дуги, берхъи гъелабикили глергъи, савлила шала дурабухъайчи бирехъе. Суннатла дуббуцарлис нигет, дуббуцибси бархъи хъери баайчи барес вирар. Нушани хъумкартурли нигет хъебарили калес асубирни багъандан, ихтияр леб баз бехъибхъелили, лебилра базлис нигет баресра. Масала, жагъал Рамазан баз бехъибхъули биалли, нушани ишдуги, берхъи гъелабикили глергъи, савлила шала дурабухъайчи нигет бируллира: «Нуни нигет бируллира имам Маликла мазгъабличил кайзурли иш дуслизиб баклибси лебилра Рамазан базла дуббуцури дудес, набчиб чебси фарз барес, Аллагъли * Аллагъу акбар». Лебил базлис нигетра хъебарили, бархъехъ баресра хъумкарталли дуббуцари бетаруси ахъен, амма укес я ужес хъирамси саб, бархъи ахъайчи илра лерил дуббуцари белхъути секъайзивад мяхкамвиэс чебла саб, гур ит дуббуцар чебахъесра хъяжатси саб.

2) Дуббуцар букбулути секъал датни, савлила шала бехъибхъулейчибад

(савлила дехъла замана баибхъейчибад) берхъи гъелабикайчи.

3) Дуббуцар бехъибхъусира таманбирисира замана багъни.

Дуббуцари букбулути секъал:

1) Беркеси беркалли я бержеси бержалли. Савлила шала бехъибхъуси заманализибад (савлила дехъла заманализибад), берхъи гъелабикайчи (бархъехъла, 4-эсти дехъла замана бикайчи). Ил заманализиб я беркала я бержала асухъебирар. Илала дурабад къаркъа бухъна мухълилабад, къанкъубазибад, лихълазибад, хулулазибад, гъалабси гъелабси гъавратлизибад силра бухънабухъес асухъебирар. Масала, лихълази шин дукънадухъес, яра папурис битлакес асухъебирар. Амма адамли себиалра беркалли яра бержалли, сай дуббуцниличила хъумкартурли, дуббуцар хъебелхъан. Илгъуна адамлис сай дуббуцни гъанбикибхъели, дукътира дукътира къалабали гъашкаэс чебли бирар. Дуббуцибси адамли дазала дирухъели сай дуббуцнира хъумхъертурли, мухълила шин духили, дебали мухъли баргарули шин гъараалли, дуббуцар белхъан. Савли дуги дуббуцес гъалав беркай укунхъели, мухълила бухънала гъяхъил бирцес чебли бирар, сенахъенну дуббуцибси замана, цулбала ургар калунти диштлати берка бутни гъараалли, дуббуцар белхъан. Дуббуцибсини шутри гъараалли, дуббуцар хъебелхъан, амма ахтури гъараалли, сарира мухълила дукъна дашути дуббуцари белхъан.

Амма ахтури канила дукъна мухълила хъедякъи, сурслизира дукъялли, дуббуцари хъебелхъан. Цулбазира дукъна дашу сини, илди хъи шутрачил дарх гъараалли, дуббуцар белхъан.

2) Рабч (глергъ). Дуббуцарла замана балули рабч дакъахъалли, дуббуцар белхъан, амма рабч сарил дакъалли, илдани хъебелхъахъу, амма мухъли бирцес хъяжатли бирар. 3) Мурул хъуна ургарти вяштлала. Дуббуцарла замана, савлила шала дакъубиубси заманализибад, берхъи гъелабикайчи мурул хъуна ургарти вяштлалани дуббуцар белхъа, илала дурабад дуббуцар убяхъира биру. Илбагъандан илкъийда бехъубси дуббуцар чебахънила дурабад кафаратра (штраф) лебси саби – 60 бархъи ургаб бархъи хъебатурли дуббуцари дудес, илди дуббуцури дудес арадеш агарли биалли, 60 мискин адам бахес чебли бирар. Илалара дурабад мурул хъуна ургаб сегъуналра гъамдеш батни дурхъали бирар. Дуббуцари шинли, яра беркай

бехъубли, гур хьунуичил гъамдеш бетаалли, кафарат чеббириси ахъен, калунси дуббуцар чебахъалли биуси саб, амма гурзу агарли батурси дуббуцарил кери 1000 дус дуббуцаллира ахъес хъейрар или хъядисуназиб бурули саб.

4) Оргазм (семя дурадухъни). Адам усхъеи бетаурси оргазмли ил мурул хьунуичил бархъ бетаурли биаб ва цархъил тяхъарли бетаурли биаб дуббуцар белхъан. Амма усхъели бетаурли биалли, дуббуцар хъебелхъан, бирцили къаркъалара дуббуцар буцес чеббирар.

5) Хъийз ва виштласи аклули глергъи дурадулхъути. Хъийз берхъи гъелабиркуси замана дакъаллира, дуббуцар белхъан.

Нушани Аллагъли * дурхъадарибти мерани дурхъадируттира

Аллагъла * кумекличил нуша хіяжлизидукъяс имкан бакИиб. Марлира иш дунъяличиб, гъатИи халаси разидеш лебси ахIен, хіяжлизидукъясимничиб. Адамра ишбархИи лев, жягъЯл агара, челябкъусира балуси ца Аллагъ * ахIенси чилра левси ахIен. Нушара хіяжлизирлералли, гIямрулизиб гъатИи хіяж барес къадарбираралра хIебалули, лерил зияратуначи, лерил дурхъати мераначи ардукъес къас сабри. Макка-Мадинализиртигигуна, дурхъати зияратуни дунъяличир лерти ахIен, сенахIенну илди шагъурти Аллагъли * чузив МухIяммад идбаг ** ахлахъниличирлира, гIямру деркИниличирлира, хIяривихъниличирлира дурхъадарибти сари. Идбагличил ** дархдасунти зияратуначибра, гъатИи дурхъаси лебси ахIен. Илдигъуна зияратуназибадли саби, Маккализибси, ХIярамла мижитла мякъласи, сунезив Идбаг ** акIубси хъали. Ил хъали ишбархИила заманализиб библиотека барили саби. Нушала халаси хъул лебри ил чебаэс, ила дунхIнадухъи дехIбала дарес, Идбагла ** баракат баахъес. Амма нушала хъул бетхIеур. Нура, набчил барх кIел гъатИи юлдашра ила дакИира, амма хъалила унзаличир халати замук лерри. Илала унзала гъалабра, кабибти хIябал адам лебри, илаб балга-дугIа дарес дигути гъабирхъулири. Ну цаличи гъамиубли, ит хъали мурт ибхъусил хъарбаира, ил набзи викIар хIяж каберхайчи ибхъуси ахIен или. ГIур илини набзи хъарбаиб, хIед се барес дигули левсирив или. Нуни ира Идбаг ** акIубси мерличибад баракат касес дигусири, дехIбала дарес дигусири или. Ил викIар илгъуна секIал барес асубирусидукъясимничиб, хIямрамси саб или. Нуни илизи хъарбаира: «Идбаг ** сай вебкIес 61 бархИи калунхIели, бегIла гIергъеси хіяжлизив сунела бекI чIянкIбариб ва илди гъез сунела асхIябтала ургар дутIиб. Их хIядис Бухарини бурули сай, Муслимили бурули сай, их къабулхIебирусидукъясимничиб, сен Идбагли ** сунела гъез дутIибтири?» ИлхIели ил викIар: «Идбагли ** гъез баракатлис дутIибтири, амма итхIели Идбаг ** мицIирли левсири». Нуни илизи гIурра хъарбаира: «Идбаг ** вебкIибхIели, Анас ибн Маликла неш Умму Сулаймани, Идбагла ** гъез бирцибти шин, адамтази держакъес дедлугули калун. Имам Нававини бурни хIясибли, Умму Сулайма Идбаглис ** мяхIрамли ретаурси адам сарри, сен итнини Идбагла ** гъез бирцибти шин держакъес дедлугулири? Абу Бакр асхIябла **** рурси Асмаъли Идбагла ** хIева гIелабушибти шин, адамтас держакъес дедлугули калун. Изутас дар-

манлира дедлугули калун. ГIядуллагъ ибн Пумарли **** Идбаг ** кайрули калунси минбарличиб някъ кабихъили, гIур ит някъли сунела дяхI, къаркъала хIяршдирули вири. Сен илдани ихти дирули калунтири? Идбагла ** Баракат касес ахIенри?» Ил набчи хIеризурли викIар: «ХIуни набзи бура, Идбаг ** акIубси мер дурхъасив, хIяривихъибси мер дурхъасив?» Нуни ира: «Имамтани бурни хIясибли Идбаг ** хIяривихъибси мер, дунъяличиб бегIлара дурхъаси саб». Ил илин иб: «ХIебиалли Идбагла ** хIябличибад баракат касес асубирусидукъясимничиб саб викIес дигусири хIед?» Нуни ира: «АхIмад ибн ХIянабали миллион хIядис уркИиличир далусири, ит викIули сай, Идбагла ** хIябличиб гъамвики, баракат касес асубирусидукъясимничиб саб или. «МаджмугIяту фаваид» бикIуси жузлизив Ибн Таямийя викIар, Идбагла ** хIябличибад баракат касес багъандан, гъамвикIес асубирусидукъясимничиб или». Илала гъатИи силра буреси кахIелун. Ил илис кумек барес илала юлдаш вализур. Ил илин набзи хъарбаиб, хIед Идбагла ** гъуни, Идбагла ** суннат сабу гIягIниси или. Нуни ира саб или. Ил килсаб бихес хIейгули, някъличиб бергули субхIян лебри. Дила субхIян буцили ил набзи викIар: «ХIед Идбагла ** суннат дигусири виадли, иш себирусидукъясимничиб? Иш Идбагли ** бузахъули хIейригу.» Нуни ира: «Нуни субхIянтачил дуйгули вирус сецад салават бучIулирал, сецад истигъфар (астагъфирулагъ) дучIулирал, сецад ла илагъа иллалагъ дурулирал. Ихбагъандан наб иш субхIян хIяжатирикули саб». Ил викIар: «Аллагъ * хIуни делчIунтала лугIилизив хIяжатири?» Нуни ира: «Аллагъ * селизивалра хIяжатири ахIен, амма Идбаг ** викIули сай, нуни бархИила духIнар

70 истигъфар дучIусири или. ДекIарси хIядислизиб леб 100 истигъфар дучIусири ибси мер. Ихти хIядисунира Муслимлира, Бухаринира дурули сари. Сен Идбагли ** илдала лугIи бикули калунсири?» Ил викIар Идбагли ** сенилра субхIян бузахъули хIейри или. Илала хIевала гъалабси килсаб ручка лебри, нуни ил ручка буцили хъарбаира: «Идбаг ** ручкаличил лугIули вири?» Идбагла ** ручка бирив? ХIебиалли ручка хIярамси бетарулигу.» Ил гъатИи силра бурес хIейрули, шурухъи арякъун. Нушала гъай дакъили, нушала алав бахъал адамти цалабикиб. Идбаг ** акIубси хъалила гъала кабибтазивадли цагъунабси викIар: «ХIу викIулири дунъяла секIлумазибад баракат кайсес асубирусидукъясимничиб саб или, хIуни нушазии бура, сен хIебиалли Пумар асхIяблИи **** КягIбала алав гIафав бирухIели, итичибси цIудара къаркъаличи байвики, нуни балусири хIезибадли я пайда, я зарал агни, Идбагра ** хIечи байхIейкаллири нура байхIелкаси или викIусири, сен ихцад дурхъаси асхIяб ихти викIусири?» Нуни илизи хъарбаира их хабар сен таманхIебирусидукъясимничиб, сен байхъала бурили байхъала балтусил. Ил викIар нуни их ахIенси хIебаласра или. Нуни ира: «ХIушала бегIлара халаси хатIа, хIушачи балбикибси багъурли, балхIебикибси лайбикIни саб. Пумар асхIяблИи **** ихти гъай дурибхели, Пяли асхIяблИи **** илди дакъили викIар, я Пумар, хIу вархъли ахIенри, иш къаркъализибад пайда лебси саб, иш илини Къямала бархИилизир бикъридеш диру сунечи байбикунтасра, гъамбикунтасра, сунечибахI някъ ахъбуцили, итичи байбикунтасра или». Илалара гъати силра бурес мер

агарли, гъакIбарили някъра арякъун. Набчил цайнейсил гъайвикIули калунси имцIякъ чIумаси улири. Ил чариубли вакIили викIар: «ХIу вархъли викIуллири, Идбагла ** баракат кайсес асубирусидукъясимничиб саб, нунира кайсусира, амма нуни аргъес хIейрусидукъясимничиб саб, адамтани, чебаили халаси къиянра, ахъили халаси гъунира, шурмазибад абацIили, гIиникъунази башули бирар. Их секIайчи къабулхIеркусра». Нуни илизи хъарбаира, хIу Къуръайчи байвилкули вируду или. Ил илин касили Къуръан, набзи чебаахъили байвикун, ишкъайдли байвилкусира или. Нуни илизи ира: «Къуръан галгла камлизидукъясимничиб лугIули бирар, хIяйва, мазала кабцIлизидукъясимничиб лугIули бирар, хIу илди секIлумажи байвикIусири?» Ил викIар вари ахIенра или, гIурра гъаргбарилли Къуран, иларти хIурпрачи байвикун, ну ихти хIурпрачи байвилкусира или. Нуни ира ихти хIурпри шингIяла саригу, хIу шингIяличиб байвикIусири или. Ил уркIужъи набчи хIеризур, амма силра бурес вирули ахIенри. Нуни илхIели ира: «АхIерси узи, нуша мазала кабцIличи ахIенра байдикIути, нуша Аллагъла калам белкIунси кабцIличи сарра байдикIути, нуша шингIяличиб ахIенра байдикIути, нуша Аллагъла * калам белкIунти шингIяличиб сарра байдикIути. Ахъили халаси гъунира, чебаили халаси къиянра, нуша къаркъубачи, гIиникъуначи, илди дурхъадирули дашути ахIенра, нушани дурхъадируттира Аллагъла * Къуръан хъурабарниличиб, дурхъабарибси мер. Аллагъли * сунела ХIябиблис идбагдеш хъурадарилли дурхъабарибси мер дурхъадируттира. Идбагли ** къяш кацIибси мер сарра дурхъадирутти. ЧIянкIли къаркъубазиб дурхъадеш агни нушани балутира дила узи». Илдала гъатИи бреси силра агарли, шурухъи арякъун. АхIерти динла узбира, рузбира, иш статья лугIухIели дила къас пахру ахIенри, Аллагъли * лерил чедиуси сай, дила къас сабри, хIушачи ихтигъуна суалтас жавабти дагъахъни. ХIяжлизидукъясимничиб бьякъунти адамти бахъал бирар, ихтала гъайлизидукъясимничиб бикили, бархъси гъуни батурти. Гъарилли бурибсилис гIелавад вашес асубирусидукъясимничиб ахIен, нушала динлизидукъясимничиб Аллагъли * нушаб гитти имамти леб, илдани делкIи датурти жузира лер, илдас гIелавад вякъунси разивирар, илдала гъуни батурсидукъясимничиб гIалквирар. Аллагъли * нуша бархъси гъуйчир дебкIахъес тавфикъ бараб!!! Амин.

АхIмад хIяжи Абдурашидов

ЧевяхIси Аллагълизидукъясимничиб *

ГIямрула дардла дяхъи Сагъбарес хIйрухIели, Гъаникахъили Аллагъ, Хъарбаа уркИилизи.

Дардли бицIибси чархлис ДармайхIив умцIухIели, Гъаникахъили Аллагъ, Хъарбаа уркИилизи.

Арзес хIейрусидукъясимничиб суал БархибхIели чархлиси, Гъаникахъили Аллагъ, Хъарбаа уркИилизи.

ДягIла ширшитIай рахли, Хъямварили архадли, Гъаникахъили Аллагъ, Хъарбаа уркИилизи.

Дегъла бамкъур варачай Архадли урхъназивяхI, Гъаникахъили Аллагъ, Хъарбаа уркИилизи.

Къукъу-лямцI дакIаллира ХIела къатIа бекIличи, Гъаникахъили Аллагъ, Хъарбаа уркИилизи.

Къясдешла хIяйзивхIели, ХIира ибкъдизурхIели, Гъаникахъили Аллагъ, Хъарбаа уркИилизи.

Цякъ дергъла гъазализиб БилтIикI битIикIул манзил, Гъаникахъили Аллагъ, Хъарбаа уркИилизи.

БуцIар цIала ламили Чарх алавбуцибхIели, Гъаникахъили Аллагъ, Хъарбаа уркИилизи.

Мурхъ къадала дубличиб ГIергъиси ганз кацIайчи, Гъаникахъили Аллагъ, Хъарбаа уркИилизи.

Къаклаб лезми белхIейчи, ДукIул кIунтIа бурайчи, Гъаникахъили Аллагъ, Хъарбаа уркИилизи.

УркИилира хъарбиу Ара-сагъси бекIлизидукъясимничиб, Сагъ бекIлира хъарбиу ЧевяхIси Аллагълизидукъясимничиб.

ГIямаров ГIиса ГIисаевич

А с с а л а м у
гӀялейкум. Адам акӀубси бархӀиличил мубарак вирес асубирусив?

Ва гӀялайкум асалам. Нушала Идбаг ** сай акӀубси бархӀи дубурцули калунсири. Ихизибадли аргъес вирар, акӀубси бархӀи дуббуцарличил яра цархӀил гӀибадатличил декӀарабирнилизиб силра зарал агни, иличира имцӀали суннат сабни. Пурра нушала Идбаг ** Муса идбаг *** акӀубси бархӀира дуббурцусири. ВегӀла динла узи акӀубси бархӀиличил мубарак варнилизиб силра зарал агар, иличира имцӀали, илгъуна секӀай узидеш имцӀадирути сари, узбала урgab диги имцӀабиру. Амма ишаб багъес хӀяжати секӀал леб. Нушала заманализиб имцӀалинтани, сай акӀубси бархӀи дахъал бунагълати, асухӀедирути секӀал дирули сари. Держ кадихъили, адамти цалабахъили, гӀурра илдигъуна секӀал диру. ИлхӀели сенилра мубарак варес асухӀебирар.

КӀел узи мякъла гӀашбизурли, ургав адам агарли джамагӀятла дехӀбала детарутив?

Динлис зарал барес диганти гъар шайчибяхӀ бузутири, гъар заманализибра лебтири. Илданира динлизи дахъал гӀядатуни кадихъитири, гӀилму агарти адамтанира илди динлизирад сари или дузахъутири. Илдигъуна нушачира адаибти лер. Дахъал секӀал дирар нушала бегӀтани дирули дири или, чулира дузахъути, амма сари динлизирад ахӀенти. Иличира имцӀали, сари бунагъла детарутира камдирули ахӀен. КӀел узи мякъла гӀашбизурли дехӀбала детарути ахӀен ибсира илдибидли бакӀибси саби. ШаригӀятлизиб илгъуна секӀал лебси ахӀен, илгъуна суал акӀахъесира секӀал лебси ахӀен.

Мурул адамлис арцла хъябдурц бихесасубирусив?

ШаригӀятли бусурман адамлис арцла гӀулека ахӀенси гӀурси секӀал хӀярамбарибси саби. Арцла хъябдурц биаб, сӀягӀат биаб, гӀурра цархӀил биаб хӀярамси саби. Ил хӀярам гъатӀира имцӀабирар, мурул адамли арцла хъябдурц хъунул адамличи, яра капуртачи мешувикес биршули виалли. Идбаг ** викӀар: «Аллагъли * лягӀну бариб хъунул адамтачи мешувикес бузути мурул адамтира, мурул адамтачи мешувикес бузути хъунул адамтира». Пурра Идбаг ** викӀар: «Адам чичи мешувикес узаллира, ит идазивадли вирар». Ихала мягӀна саб, капуртачи мешувикес узалли идазивадли ветара. Аллагъли * нуша илдизирадли дерцахъаба.

БиштӀатази динла бяркъ багъахъни чичиб чеблали бетаруси?

БиштӀатази динлизир дагъес черти дяркъяхъес бегӀтачибси чебла саби. Илди хӀебиалли, бегӀтала бегӀтани далахъу, нешла бегӀти биаб, дудешла бегӀти биаб. Илдира хӀебиалли, чула биштӀати бяркънилизив бегӀтани вакил варибсилчиб чеббирар. Илгъунара агара виалли, имамли илди биштӀати бихӀяхъес хъарбарибсилчи хӀяжатбиркур. Илгъунара агархӀели, сунени, имамли руркъя. Шилизив яра шагъарлизив имамра агара виалли, ил секӀал иман чебти бусурмантачиб чеббирар.

Алжанализибтани дехӀбала дирутив?

Лебил гӀялимтани бурни хӀясибли Алжанализиб силра чеббируси лебси ахӀен, илар гъар секӀал лугути сари. Джабирли хӀядис бурули сай: « Алжанала агълуни шутри тудирути ахӀен я хӀяжятхъанала башути ахӀен». Идбаглизи ** хъарбаиб, илдани беркуси беркайс се бетарусив или. Идбаг ** викӀар: «Илдибидли майгъара, гӀепра дурадулхъан, сарира мискличир жагали тӀемдикӀути. Алжанала агълунира тасбихӀра (субхӀяналлагъ), тахӀмидра (альхӀямдулиллагъ) диру». Ихизибадли аргъес вирар Алжанала агълулизи дехӀбала дирахъес хъархӀебиру, амма дарес дигусилисра къаршидеш хӀедиру. Марли лебси тяхӀяр биалли ца Аллагъли * саби балуси. Нушачибси чебла биалли, иш дунгъаличир лералли гӀибадат барни, илхӀели Аллагъли * Сунела уркӀециличирли нушара Алжунтази хъурадарес асубирар. (Шей Наъсанла фатва)

ЖумягӀла дехӀбала хутӀба агарли детарутив?

Жумяг бархӀи гӀяраб мезли, кӀел хутӀба делчӀни чебла саби, илди хӀеделчӀалли жумягӀла дехӀбала детарути ахӀен.

Нуни дила бекӀ чӀянкӀбарира, гӀур набзи бикӀар хъунул адамлис изала багъандан ахӀенси бекӀ чӀянкӀбарес асубируси ахӀен, хӀярамси саби или. Нунира бекӀ изала багъандан чӀянкӀбарибси ахӀенри, бекӀличибад кӀана чебхӀебалтес или чӀянкӀбарибсири. Илала хӀекълизир хӀуша се дикӀудая?

«ШархӀуль мугъзаб» бикӀуси жузлизив, хӀяжлизибтани бекӀ чӀянкӀбирнила хӀекълизив имам Навави викӀули сай, хъунул адамлис бекӀ чӀянкӀбирни къадагъабируси саб или. Хъунул адамли гъез къантӀдарили датуги сари. Илис бекӀ чӀянкӀбарни бидгӀя саб, Аллагъли * сунес дедибти дяхӀла куц дарсарни бетарар или.

Пурра гӀялимтани бурули саб, бекӀ чӀянкӀбарили ахӀенси арахебируси изала лебли биалли, бекӀ чӀянкӀбарнилизиб сегъуналра къадагъа агара, амма сегъуналра сабаб агарли бекӀ чӀянкӀбарни къадагъаси саб или. Пурра хъунул адамлис бекӀ чӀянкӀбарес асубируси мер саби, сари мурул адамтази рагъахъес хӀейгули риалли, илдани ил рагъалли сунела багъа буэс асубиралли. ИлхӀели илис мурул адамла палтарра чегъес асубирар.

Рузнама

Май

дни	Утрений Ас-СубхӀ	восх.	Обеден. Аз-Зугър	После-обеден. Аль-ГӀаср	Вечерн. Аль-Магъриб	Ночной Аль-ГӀишаъ
1	02:54	04:44	11:51	15:44	18:54	20:24
2	02:52	04:43	11:51	15:44	18:55	20:25
4	02:48	04:40	11:50	15:45	18:57	20:27
6	02:44	04:37	11:50	15:46	19:00	20:30
8	02:40	04:35	11:50	15:47	19:02	20:32
10	02:36	04:32	11:50	15:47	19:04	20:34
12	02:33	04:30	11:50	15:48	19:06	20:36
14	02:29	04:28	11:50	15:49	19:08	20:38
16	02:26	04:26	11:50	15:49	19:11	20:41
18	02:22	04:24	11:50	15:50	19:13	20:43
20	02:19	04:22	11:50	15:51	19:15	20:45
22	02:16	04:20	11:50	15:51	19:17	20:47
24	02:13	04:19	11:50	15:52	19:19	20:49
26	02:10	04:17	11:51	15:53	19:20	20:50
28	02:07	04:16	11:51	15:53	19:22	20:52
30	02:05	04:15	11:51	15:54	19:24	20:54

Рузнама МяхӀячкъалала шагъарлис саби

Рекомендовано каноническим отделом ДУМД для г. Махачкалы



ХӀурматла узби ва рузби!

2015 ибил дуслис «Ас-салам» газеталис къулбасбирес даимбуубли саби.

Газета къулбасбарес вирар чиди-дигара почтала отделениелизиб. Илкъяйдали Дагъиста лерилра районтазибти нушала хӀянчизартачибад.

«Ас-салам» газета къулбасбирули, Дагъистайзиб Ислам тинтӀбирнилизиб хӀушалара пай кабирхӀулрая...

Къудратла ВегӀ Аллагъли нушала уркӀбазиб иманра, Исламра, динничиб дигира имцӀадараб.

Дусла духӀнар дурадулхъути газетабала багъни бузри хӀясибли дарсдикӀар!

Дирхулра, нушала бучӀанти газета агарли кахӀевлан.

ХӀурматла узби ва рузби!

Динничил дархдасунти, «Ас-салам» редакциялизиб яра даргала «Ас-салам» газетала редакторличиб суалти лердиалли, хӀушани телефонна иш гӀергъиси номер хӀясибли зянкъ-дяхъес дирудая:

+7 (988) 303 00 08 (Ас-хаб).

Диубсигъуна кумекбирехӀе, иншаАллагъ !!!